




ՄԱՅՐ ԱԹՈՒԻ ԲԱՐԵՐԱՐ ԳԱԼՈՒՍՏ ԿՅՈՒԼՊԵՆԿՅԱՆԻ ԿՏԱԿԻ ԳՈՐԾԱԴՐՈՒԹՅՈՒՆԸ

Նորին Ս. Օծություն Տ. Տ. Վազգեն Ա. Հայրապետը մեծ ուրախությամբ և շնորհակալությամբ ստացավ 21 մայիս 1958 թվակիր նի պաշտոնագիր Լիսաբոնից, որով Գալուստ Կյուպենկյան հիմնարկությունը տեղեկացնում է, թե հանգուցյալ Գալուստ Կյուպենկյանի կտակի տրամադրությունների համաձայն և հիմնարկության պատվիրակներ պրոֆ. սրբ Սիդնի Քեյնի և ճարտարապետ պր. Նդվարդ Ուրունյանի զեկուցման և Մայր Աթոռից ուղարկված փաստաթղթերի հիման վրա, Գալուստ Կյուպենկյան հիմնարկության կտակատարներ ղուկտ. Ժոզե դե Ագերեդո Պերդիգան, պր. Գ. Լ. Նսայանը և հիմնարկության խնամակալները որոշել են սկսել կտակի գործադրության, որով Մեծ Բաբերարը Ս. Էջմիածնի վերաշինության համար նախատեսել էր 400 000 դոլլար:

Առաջին հատկացումը՝ 80 000 դոլլար, 1958 թվականի մայիսի 20-ին փոխանցվել է արդեն Նյու-Յորքի Ժ. Պ. Մորգան և ընկ. դրամատան, Հյուսիսային Սմերիկայի հայոց Արևելյան բեմի առաջնորդարանի անունով, Մայր Աթոռ Ս. Էջմիածնի տրամադրության տակ:

Հաջորդ հատկացումները կկատարվեն 1958—1959 տարիների ընթացքում, վերաշինության աշխատանքներին զուգընթաց:

